

爾雅

樂

爾雅註疏卷第二

晉郭璞註

宋邢昺疏

釋言第二

疏

說文曰直言曰言仲尼曰言以足志介之推曰言身之文也然則言者發

於志而形於聲所以文章於身者也論語曰詩三百一言以蔽之曰息無邪左傳趙簡子稱子大叔遺我以九言皆以一句為一言也漢書東方朔方云十六學詩書誦二十二萬言則以一字為一言也雖一句一字有異要以今古方國殊別學者莫能通是以方言云皆古今語也初別國不相往來之言今或同而舊書雅記故俗語不失其方而後人不知故為作釋是曰釋言

殷齊中也

註

書曰以殷仲春釋地曰岨齊州以南

疏

齊殷

皆謂正中也。書曰：以殷仲春者，堯典文安。彼云：日中星鳥，以殷仲春。孔安國以殷為正中，正義同故也。云：釋地曰：岷齊州以南者，彼注云：岷去也。齊中也。謂中州為齊州，是齊得為中也。

斯謔離也

註

齊陳曰斯謔見詩

音

修

註

斯析謔張皆分

析之離郭云：齊陳曰斯者，方言文陳風墓門云：斧以斯之是也。云：謔見詩者，小雅巷伯云：哆兮侈兮，成是南箕。鄭箋云：因箕星之哆而侈大之是也。謔侈音義同。

謔興起也

註

禮記曰尸謔

六切

謔所

註

謔興皆作起也。禮記曰：尸謔者，祭統

也文

還復返也

註

皆迴返也

疏

皆迴返也。春秋書師還，又

乃復之類是也。

皆周徧也。大雅江漢

宣徇徧也

註

皆周徧也

○

徇辭

疏

云：來旬來宣，毛傳云

旬徧鄭箋云宣徧是皆為周徧也徇旬音義同

駟遽傳也

註皆傳車駟馬之名

○駟音日

疏皆傳車駟

十六年左傳曰楚子乘駟會師于臨品又僖三十三年云使遽告于鄭又成五年曰晉侯以傳召伯宗是

皆謂今驛也

蒙荒奄也

註奄奄覆也皆見詩

疏皆謂奄覆唐風云葛生蒙楚孫炎曰荒大

之奄周南云葛藟荒之故郭云皆見詩

告謁請也

註皆求請也

○告音谷**疏**皆謂求請也成二年左

與魯衛兄弟也來告曰大國朝夕釋憾於敝邑之地詩序云無險詖私謁之心

肅雍聲也

註詩曰肅雍和鳴

疏和樂聲也詩曰肅雍和鳴者周頌有誓文也

格懷來也

註

書曰格爾眾庶懷見詩

說

謂招來也書曰格爾眾庶者商

書湯誓文也云懷見詩者周頌時邁云懷柔百神

眡底致也

註

皆見詩傳

說

曲禮曰眡于鬼神昭元年左傳叔向曰底祿以德周頌下

武篇云耆定爾功毛傳曰耆致也王肅云致定其大功謂誅紂定天下是毛讀者為底故注云見詩傳

悛怙恃也

註

今江東呼母為悛

音是悛

說

皆依恃也郭云今江東呼母為

悛小雅蓼莪云無父何怙無母何恃

律適述也

註

皆敘述也方俗語耳

說

皆敘述也方俗語異耳律管所以述

氣適者述行之也大雅文王有聲云適駿有聲之類是也

俞畬然也

註

禮記曰男唯女俞畬者應也亦為然

音畬

說皆然應也。**註**禮記曰男唯女俞者內則文也。倉古荅字故為應也。

豫臚敘也

註

皆陳敘也

說

皆陳敘也。事豫備者亦有敘也。漢書云典客秦官太初元

年更名大鴻臚。韋昭曰鴻大也。臚陳敘也。以禮陳敘于賓客也。又莊子云大儒臚傳是也。

庶幾尚也

註

詩曰不尚息焉

說

尚謂心所希望也。詩曰不尚息焉者小雅苑柳

篇文也。鄭箋云尚庶幾也。以心所念尚即是庶幾義。相反覆故引之。

觀指示也

註

國語曰且觀之兵

說

示謂呈見於人也。國語曰且觀之兵者案

周語穆王將征犬戎祭公謀父諫曰不可先王耀德不觀兵犬戎氏以其職來王天子曰子必以不享征之且觀之兵無乃廢先王之訓而王幾頓乎是也。論語曰指其掌謂舉掌以示人也。

若惠順也

註

詩曰惠然肯來

說

順不逆也。書曰若稽古謂順考古道也。詩邶風

終風云惠然肯來言有順心然後可來是也

敖無傲也

禮記

曰無無無敖傲慢也

○敖五報切無好吾切

禮記

皆謂傲慢周頌絲衣云不吳不敖禮記曰無無無傲者投壺文也案彼云魯令弟子辭曰毋無毋敖毋借立毋踰言借立踰言有常爵是也

幼鞠穉也

書

曰不念鞠子哀

禮記

方言云穉年小也曲禮曰幼子常視無誑

書曰兄亦不念鞠子哀是皆謂年少也書曰者周書康誥文也

逸僭過也

書

曰汝則有逸罰

○僭音憊

禮記

皆謂各過也書曰汝則有逸罰

者案商書盤庚云惟予一人有佚罰費誓云汝則有常刑無云汝則有逸罰者師讀不同故也或者其在今文乎僭者左傳曰禮義不僭之類是也

疑休戾也疑休皆爲止也
註戾止也疑者亦止
疏戾止也書曰疑謀勿成月令云百工休是

疑休皆爲止也

疾齊壯也
註壯壯事謂速也齊亦疾
疏急速齊整皆於事敏速疆壯也

械褊急也
註皆急狹
疏械紀力切褊必淺切
疏械與亟同大雅靈臺云經始勿亟文

王有聲云匪棘其欲禮記引此詩作匪革其猶革亦急械亟棘革字雖異音義同魏風葛屨云維是褊心

又廣雅云械謹也褊狹陋也是皆急狹也

貿質市也
註詩曰抱布貿絲
疏謂市買賣物也詩音古
疏曰抱布貿絲者衛

風氓篇文也大雅瞻卯云如質三倍也

扉陋隱也
註禮記曰扉用席書曰揚側陋
疏○扉符佛切
疏皆幽

爾雅疏

卷之二四

卷之二四

隱也禮記曰扉用席者案有司徹云有司官徹饋饌于室中西北隅南面如饋之設右几扉用席是也云禮記者誤也云書揚側陋堯典文也

邊遂逮也

註東齊曰邊北燕曰遂皆相及逮

○遂音誓 **疏**謂

相及也注東齊曰邊北燕曰遂者方言文也

征邁行也

註詩曰王于出征邁亦行

疏皆出行詩曰王于出征者小雅

六月文也云邁亦行者詩云周王于邁是也

圯敗覆也

註謂毀覆

○圯皮美反

疏圯毀敗壞皆傾覆也書曰祖乙圯于耿

荐原再也

註易曰水荐至今呼重蠶為蠱

○荐音賤 **疏**皆重

孫炎云荐草生之再也 **注**云易曰水荐至者周易坎卦象辭也云今呼重蠶為蠱者周禮夏官馬質云禁

原蠶者是也

懽牧撫也

註懽愛撫也 牧寧見書

音武皆愛撫也 方

陶之間謂愛曰懽故上云懽愛撫也云牧寧見書者大誥云子翼以于牧寧武圖功之類是也

臞疥瘠也

註齊人謂瘠為臞

臞音求

註皆瘦瘠也 鄭玄周禮注云

瘦謂瘠敗郭云齊人謂瘠瘦為臞

枕頰充也

註皆充盛也

永切孫叔然木枕作光書曰光被四表說文云

頰火光也是皆充盛也

屢睭亟也

註親睭者亦數亟亦數也

亟虛

註亟猶數也 詩頌

日屢豐年左傳曰諸夏親睭親睭時恩信必數故注云親睭者亦數

靡罔無也

疏無不有也詩云靡神不
舉書曰罔有攸救皆是

爽差也爽忒也

注皆謂用心差錯不專一

○差初加切

疏廣異

言也爽謂差錯又為忒變孫炎曰忒變雜不一郭云皆謂用心差錯不專一詩衛風云女也不爽大雅瞻

印云鞫人伎忒

俚貳也

注

俚次為副貳

○俚而志切

疏

俚次也次卽副貳之貳

劑翦齊也

注

南方人呼翦刀為劑刀

○劑卽隨切

疏

皆為齊截也郭

云南方人呼翦刀為劑刀釋器云金鍔翦羽謂之鍔

饋餽稔也

注

今呼簀飯為饋饋孰為餽

○饋音分餽力又切

疏稔

也孫炎曰蒸之曰饋均之曰餽郭云今呼簀飯為饋饋氣流也然則蒸

米謂之饋饋必餽而熟之故言饋餽稔也
大雅洞酌云可以饗饋饋音義同

媿將送也

註左傳曰以媿秦穆姬詩曰遠于將之以媿

切

疏

皆謂送行也孫炎曰將行之送也
註云左傳曰以媿秦穆姬者案僖五年晉執虞公及其大夫

井伯以媿秦穆姬杜注云秦穆姬晉獻公女送女曰媿以屈辱之云詩曰遠于將之者邶風燕燕衛莊姜

送婦妾之詩也

作造為也

疏謂營為也皆見鄭風緇衣篇

養餼食也

註方言云陳楚之間相呼食為養

○養音非
疏肯

食也方言云陳楚之間相呼食為養者案彼云養餼食也陳楚之內相謁而食麥餼謂之養楚曰餼凡陳楚之郊南楚之外相謁而餼或曰餼或曰餼秦魯之際河陰之間曰餼惡恨切餼五恨切此真秦語也大

爾雅疏

卷之二六

崇志書完

雅公劉云
乃裏餽糧

鞫究窮也

註

皆窮盡也見詩

疏

皆窮盡也大雅雲漢云
鞫哉庶正小雅節南山

云以究
王訥

滷矜鹹苦也

註

滷苦地也可矜憐者亦辛辛即大鹹

疏

郭云滷苦地也者謂斥滷可煮鹽者左傳曰表滷
滷云可矜憐者亦辛苦者小雅鴻雁云爰及矜人

鄭箋云可憐之人謂貧窮者是辛苦之人也云苦即
大鹹者釋經之鹹也鹹殊極必苦故以鹹為苦也

干流求也

註

詩曰左右流之

疏

皆求取也語云干張學
干祿**註**詩曰左右流之

周南關
唯文也

流覃也覃延也

註

皆謂蔓延相被及

疏

轉相解也皆謂
蔓延相被及水

之流必相延及詩
周南云葛之覃兮

佻偷也

訓

謂苟且

音挑

疏

小雅鹿鳴云視民不佻是也
李廵曰佻偷薄之偷郭云謂

苟且左傳趙孟曰吾儕偷食朝不謀夕何其長也杜
注云言欲苟免目前不能念長久是謂偷為苟且也

潛深也潛深測也

訓

測亦水深之別名

疏

轉相解也詩
曰潛雖伏矣

是深矣潛深又為測郭
云測亦水深之別名

穀鞠生也

訓

詩曰穀則異室

疏

皆生活也詩曰穀則異
室者王風大車篇文也

小雅蓼莪云
母兮鞠我

啜茹也

訓

啜者拾食

○茹如
庶切

疏

說文云啜嘗也郭云啜
者拾食禮記檀弓云啜

菽飲水大雅烝民云柔則茹之方言
云茹食也吳越凡貪飲食者謂之茹

茹虞度也

註

皆測度也詩曰不可以茹

音鐸

疏

皆謂測度也詩

曰不可以茹者邱相舟文也左傳曰備豫不虞

試式用也

註

見詩書

疏

皆任用也皆見詩書者小雅大

式臧商書盤庚云今子將試以汝遷又云式敷民德之類是也

誥誓謹也

註

皆所以約勤謹戒衆

疏

皆謹敕也以大義諭衆謂之誥集將

士而戒之曰誓尚書誥誓之類是也故郭云皆所以約勤謹戒衆也

競逐疆也

註

皆自勉疆

○疆巨丈切

疏

皆自勉強也大雅抑篇云無競維人馳逐

者亦強梁也

禦圍禁也

註

禁制

疏

皆謂禁制小雅常棣云外禦其務養馬曰圍亦所以禁制故皆爲禁

窒薶塞也

註

謂塞孔穴

○窒猪乙切

疏

皆謂堙塞孔穴爾七月云穹窒熏鼠大宗

伯云以狸沈祭山林川澤是其類也

黼黻彰也

註

黼文如斧黻文如兩已相背

○黼音甫黻音弗

疏

彰明也言文丞著明也一注黼文如斧黻文如兩已相背者考工記云白與黑謂之黼黑與青謂之黻釋器云斧謂之黼蓋半白半黑似斧刃白而身黑黻謂以青黑線刺繡為兩已字相背黼取能斷黻取善惡背相

膺身親也

註

謂躬親

疏

服膺身先皆謂躬親也

愷悌發也

註

發發行也詩曰齊子愷悌

疏

謂發明而行也詩曰齊子

愷悌者齊風載驅篇文也毛傳云言文姜於是樂易然鄭箋云此豈弟猶言發夕也豈讀當為闔弟古文

爾雅充

卷之二八

卷之二八

尚書以弟為圍圍明也然則郭云發發行也是用鄭箋為說

髦士官也

註

取俊士令居官

疏

下云髦俊也士者男子之人大號言取俊士令

居官也大雅域樸云髦士攸宜是也

畯農夫也

註

今之畜夫是也

音

俊

疏

田畯一曰農夫孫炎曰農夫田官也

皆謂主田大夫也小雅甫田云田畯至喜鄭箋云田畯司畜今之畜夫也此注云今之畜夫是也然則田畯田官在田司主稼穡故謂之司畜漢及東晉亦有此官謂之畜夫故鄭郭皆云今之畜夫也

蓋割裂也

註

蓋未詳

疏

割謂以刀裂之也

邕支載也

註

皆方俗語亦未詳

疏

謝氏云邕字又作擁釋云擁者護之載郭

云皆方俗語亦未詳

誣諉累也 **註** 以事相屬累為誣諉 ○ 誣竹畦切 諉女 **疏**

謂相累及也 孫炎云 楚人曰 誣秦 人曰 諉 郭云 以事相屬累為誣諉

漠察清也 **註** 皆清明 **疏** 樊光云 漠然清貌 察明也 是皆清明也

庇麻蔭也 **註** 今俗語呼樹蔭為麻 **疏** 舍人曰 庇蔽也 麻依止也 郭云 今俗

語呼樹蔭為麻 文七年左 傳云 葛藟猶能庇其本根

穀履祿也 **註** 書曰 既富方穀 詩曰 福履將之 **疏** 皆福祿也 孝經

援神契云 祿者錄也 取上所以敬錄 接下下所以敬錄 事上 **註** 書曰 既富方穀 者 洪範文云 詩曰 福履將

之者 周南 穆木文也

履禮也 **註** 禮可以履行 見易 **疏** 履又為禮也 禮可以履 行見易者 序卦云 物畜

然後有禮故受之以履
韓康伯云履者禮也

隱占也

註

隱度

疏

古者視兆以知吉凶也
必先隱度故曰隱占也

逆迎也

疏

謂迎逆周書顧命云
逆子釗于南門之外

憺曾也

註

發語辭見詩

音

憺

疏

憺猶言曾也曾則也皆
發語辭郭云見詩者小

雅節南山云憺莫懲嗟衛風
河廣云曾不崇朝之類是也

增益也

註

今江東通言增

疏

謂饒益也郭云
今江東通言增

窶貧也

註

謂貧陋

音

窶

疏

窶者無禮也貧者無財也
由其無財以為禮郭云謂

貧陋邶風北門
云終窶且貧

夢隱也

註

謂隱蔽

音

夢

疏

夢郭即
隱蔽也

僂喑也

註

鳴喑短氣皆見詩

○僂音愛

疏

也郭云鳴喑

短氣皆見詩大雅柔云亦孔之僂是也

基經也

註

基業所以自經營基設也

註

亦為造設

疏

基

下土也又詰為始作事謀始必經綸也郭云基業所以自經營又為造設

祺祥也

註

謂徵祥祺吉也

註

祥吉之先見

疏

舍人曰祺祥之祥謂

徵祥也祥即吉之先見者也故又為吉大雅行葺云壽考維祺

兆域也

註

謂塋界

疏

謂塋墓界域也孝經曰卜其宅兆廣雅云兆葬地也士喪禮云筮宅

冢人營之鄭注云宅葬居也然則筮得吉兆經營之以為界域也

肇敏也

註

書曰肇牽車牛

疏

謂敏疾也書曰肇牽車牛者周書酒誥文也

挾藏也

𦉳

今江東通言挾

音叶

𦉳

謂隱藏物也郭云今江東通言挾史記秦

有挾書之律

澁徹也

𦉳

謂霑徹

音接

𦉳

言潤澤澁洽相霑徹也

普廢也普滅也

𦉳

亦為滅絕

𦉳

普謂廢已也小雅楚茨篇云子子孫孫勿普引

之是也普又為絕滅

速徵也徵召也

𦉳

易日不速之客

𦉳

轉相解也皆謂呼召易日不速客者

需爻上六爻辭也

琛寶也

𦉳

詩日來獻其琛

金切

𦉳

謂珍寶也舍人曰美寶日琛詩日來

獻其琛者魯頌泮水文也

探試也 **註** 刺探嘗試 **說** 試謂嘗之也論語云見不

髦選也 **註** 俊士之選髦俊也 **註** 士中之俊如毛中之髦

說 廣異言也毛中之長毫曰髦士之俊選者是也

俾職也 **註** 使供職 **說** 俾詰為使言任使供職也

紕飾也 **註** 謂緣飾見詩 **說** 紕謂緣飾見詩者鄘風千

凌慄也 **註** 凌懷戰慄 **說** 音凌 慄感也 **註** 戰慄者憂感 **說** 轉

解也埤蒼云凌慄也郭言凌懷戰慄則凌凌音義同慄又為感郭云戰慄者憂感秦風黃鳥云惴惴其慄

蠲明也 **註** 蠲清明貌茅明也 **註** 左傳曰前茅慮無明朗

也 **說** 郭云蠲清明貌樊光云蠲除垢穢使令清明茅亦明也舍人曰茅昧之明也左傳云前茅慮無

者宣十二年傳文也杜注慮無如今軍行前有斥候
踰伏皆持以絳及白為幡見騎賊舉絳幡見步賊舉
白幡備慮有無也茅明也或曰
時楚以茅為旌識明即融明也

猷圖也**註**周官曰以猷鬼神祇謂圖畫猷若也**註**詩曰

寔命不猷**疏**猷謂圖畫又為若若如也周禮曰以猷
鬼神祇者春官凡以神仕者掌三辰之

法以猶鬼神示之居辯其名物是也
詩曰寔命不猷者召南小星文也

備舉也**註**書曰備爾戈**疏**謂興舉也爾爾戈
者周書牧誓文也

稱好也**註**物稱人意亦為好**疏**謂美好郭云物
稱人意亦為好

坎律銓也**註**易坎卦主法法律皆所以銓量輕重**疏**謂
銓

量也樊光曰坎卦水也水性平律亦平銓亦平郭云
易坎卦主法者說卦云坎為水水平故主法云法律

皆所以銓量輕重者白虎通云水之爲言準也律歷志云繩直生準準正則平衡而鈞權矣又曰權衡者衡平也權重也衡所以任權而鈞物平輕重也木起於黃鍾之重一龠容千二百黍重十二銖兩之爲兩兩者兩黃鍾律之重是法律皆所以銓量輕重也

矢誓也

註

相約誓

疏

相約誓也榔柏舟云之死矢靡他

舫舟也

註

竝兩船

疏

謂竝兩船釋水曰大夫方舟

泳游也

註

潛行游水底

疏

謂潛行游水底也邨谷風云泳之游之

迨及也

註

東齊曰迨

疏

謂相及也注東齊曰迨者方言文也

冥幼也

註

幼穉者冥昧

疏

謂幼少也郭云幼穉者冥昧小雅斯干云嘒嘒其冥

降下也

註

召南草蟲云我心則降

傭均也

註

齊等

○傭敕容切

疏

謂齊等也小雅節南山云昊天不傭

疆暴也

註

疆梁凌暴

疏

疆梁者好凌暴於物詩序云疆暴之男

窕肆也

註

輕窕者好放肆肆力也

註

肆極力

疏

窕輕也肆放也

輕窕者好放肆肆又為極力

侏戴也

註

詩曰戴弁侏侏

疏

謂頭戴也注詩曰戴弁侏侏者周頌絲衣文也

瘞幽也

註

幽亦瘞也

疏

苦謂薶藏

麓也

註

毛麓所以為麓

○麓音離麓音計

疏

毛麓所以為麓舍人口麓所謂

毛麓也胡人續羊毛而作衣然則麓者織毛為之若今之毛氍毹以衣馬之帶鞅也

烘燎也

註

謂燒燎烘炷也

註

今之三隅竈見詩

○燎音料燧市

針切 **瓦** 舍人口烘以火燎也。熇，瓦竈也。郭云：烘謂燒。上燃火謂之烘，木爲此竈，上以燃火照物，若今之火爐也。注云：見詩者。小雅白華云：樵彼桑薪，邛烘于熇也。是也。

陪朝也

註

陪位爲朝

說

臣見君曰朝，朝之列位必陪重是陪位爲朝也。

康苛也

註

謂苛刻

音

說

注謂苛刻，案苛者毒草名，爲政刻急者取譬焉。禮記孔子

曰：苛政猛于虎。苛，名康者以康安也。苛刻者，心安之。左傳曰：州吁阻兵而安忍，其類也。

樊藩也

註

謂藩籬

說

孫炎曰：樊，圃之藩也。郭曰：謂藩籬。折柳樊圃，小雅青蠅云：營營青蠅止。

干榛，毛傳云：棘榛所以爲藩是也。

賦量也

註

賦稅所以評量

說

謂賦稅也。郭云：賦稅所以評量，方言云：評均賦也。燕

之非鄙東齊非郊凡相賦
斂謂之平均是評量也

糗糧也

註今江東通言糗

疏謂糗食也郭云今江東通言糗王制云五十異糗

庶侈也

註庶者衆多為奢侈庶幸也

註庶幾僥倖

疏富庶

者多奢侈郭云庶者衆多為奢侈書曰祿不期侈庶又為幸望郭云庶幾僥倖者求見親御也幸與倖通用之

筑拾也

註謂拾掇

○筑音竹

疏拾謂拾掇金縢云凡大木所偃盡起而筑之馬融云起其

木拾其禾

樊駟也

註今江東呼大為駟猶麤也

○樊徂朗切駟音祖

疏謂皆

大也秦晉謂大為樊郭云今江東呼大謂駟猶麤也

集會也

疏

說文云集若羣鳥在林木之上故曰集指事也故經典通謂聚會為集

舫泝也

註

水中箛篴

音孚泝

疏

孫炎曰舫水中為泝篴也郭云水中箛篴方言云泝

謂之箛篴謂之箛篴秦晉之通語也周南漢廣云不可方思論語云乘桴浮于海注云桴編竹木大曰桴

小曰桴是也舫方泝桴音義同

洵均也

註

謂調均洵龕也

註

未詳

疏

李巡曰洵徧之均也郭云謂調均大

雅桑柔云菟彼桑柔其下侯旬毛傳云旬言陰均也然則洵旬音義同洵又為龕未詳

逮還也

註

今荆楚人皆云還

音沓

疏

亦謂相及方俗語異爾郭云今荆楚

人皆云還

是則也

註

是事可法則

疏

是不非也則法效也郭云是事可法則言不非之事乃可

為人
法則

畫形也

畫

畫者為形像

○畫音畫

畫

郭云畫者為形象考工記云畫繪之事士以黃

其象方天時變火以圓山以章水以龍鳥獸蛇是畫者為形象也

賑富也

賑

謂隱賑富有

○賑忍切

賑

皆豐財也郭云謂隱賑富有

局分也

局

謂分部

○分部問切

局

成十六年左傳云離局姦也杜注云遠其部曲為離

局

憺怒也

憺

詩曰天之方憺

○憺才細切

憺

舍人曰憺怒聲也云詩曰天之方

濟者大雅板之文也

僣聲也

僣

謂聲音

○僣音屑

僣

郭云謂聲音言聲首僣僣然

葵揆也

註

詩曰天子揆之揆度也

註

商度

○度徒各切

疏 相

解也皆謂商度法詩曰天子揆之者小雅采菽文也邨風定之方中云揆之以日

逮及也

疏

亦謂相及也大雅桑柔云菲云不逮

怒飢也

註

恚然飢意

疏

李巡云怒竊不食之飢也郭云怒然飢意周南汝墳云怒如調

飢毛傳云恚飢意也鄭箋釋云恚息也然則怒之為訓本為思耳但飢之思食意又怒然故又以為飢恚

是飢之意非飢之狀故郭及毛傳皆言飢意鄭箋以為息義相接成也

珍重也

註

謂厚重見左傳

○珍之忍切

疏

謂厚重見左傳者隱三年衛大夫石

碯口夫寵而不驕驕而能降降而不憾憾而能珍者鮮矣杜注云如此者少也降其身則必恨恨則息亂

不能自安自重是也

獵虐也

註

凌獵暴虐

疏

獵謂從禽也必暴害於物故云虐郭云凌獵暴虐

士田也

註

別二名

疏

別地之二名也白虎通云中央者吐舍萬物土之為言吐也

釋名云士田耕者曰田田者填也五稼填滿其中也

戍邊也

註

戍守所以止寇賊

疏

遇止也郭云戍守所以止寇賊春秋公子賁戍

衛

師人也

註

謂人衆

疏

師衆也同禮大司馬二千五百人為師故郭云謂人衆

砧鞞也

註

砧然堅固

○砧苦角切

疏

謂鞞固易文言云確乎其不可拔又鞞并初九

云鞞用黃牛之革若如此說砧苦學切當從告說文別有砧苦八切石堅也字雖小異其義則同

棄忘也

疏

心遺忘小雅谷風云棄我如遺

蹶閑也

註

驚然閑暇貌

○蹶丘
刀切

謀心也

註

謀慮以心

獻聖也

註

諡法曰聰明睿智曰獻

疏

郭云諡法曰聰明睿智曰獻諡法者

周書篇名也

里邑也

註

謂邑居

疏

謂邑居也論語云里仁為美王制云凡居民量地以制邑

襄除也

註

詩曰不可襄也

疏

謂除去也詩曰不可襄者鄆風牆有茨文也

振古也

註

詩曰振古如茲猶云久若此

疏

言久故也詩曰振古如

茲猶言久若此者案周頌載芟云匪今斯今振古如茲毛傳云振自也鄭箋云振亦古也言脩德行禮莫不獲報乃自古而如此所由來者久非適今時是也

爾雅疏

卷之二十六

懟怨也

音除

說

謂怨恨左傳曰以死誰懟

縹介也

註

縹者繫也介猶闕

音離

說

郭云縹者繫介猶闕以釋水云縹縹

也縹繫者則介闕也

號諱也

註

今江東皆言諱

號音毫諱火胡切

說

謂叫諱也小雅賓之初筵云載

號載吹郭云今江東皆言諱

凶咎也

說

謂咎惡也通見詩書

苞稹也

註

今人呼物叢緻者為稹

說

郭云今人呼物叢緻者為稹孫炎曰

物叢生曰苞齊人名曰稹唐風揚羽云集于苞栩毛傳云苞稹也鄭箋云稹者根相逼迤相緻亦謂叢生也

逕寤也

註

相干寤

○逕音寤

疏

逕謂相干也寐而覺寤之曰寤郭云相干寤

頽頽也

註

題額也詩曰麟之定

○題了

疏

皆謂額也詩曰麟之定

者周南麟之趾文也

猷肯可也

註

詩曰猷來無棄肯今通言

疏

皆肯可也詩曰猷來無

棄者魏風陟岵文也肯今通言者邨風終風云惠然肯來是也

務侮也

註

詩曰外禦其務

疏

謂輕侮也詩曰外禦其務小雅常棣文也

貽遺也

註

相歸遺

○遺唯季切

疏

謂相歸遺詩云貽我握椒

質買也

註

廣二名

○質市也又為買郭云廣二名詩云抱布買絲

賄財也

疏

財帛總名賄周禮冢宰職云商賈阜通貨賄鄭注云布帛曰賄

爾雅充

卷之二十七

甲狎也

註

謂習狎

疏

謂狎習也衛風芄蘭云能不我甲左傳曰水懦民狎而玩之

莢騷也莢亂也

註

詩曰毳衣如莢莢草色如騷在青白

之間

疏 廣異言也

詩曰毳衣如莢者

亂五患切

蘆之初生者也鄭箋云莢亂也以傳解莢色未辯草名故定之也郭云莢草色如騷在青白之間者以釋

畜云蒼白雜

毛騷故也

粢餐也

註

今河北人呼食為粢

疏

謂餐食也郭云音孫今河北人呼食

為粢鄭風緇衣云還予授子之粢兮鄭箋云自館還在于采地之都我則設餐以授之愛之欲飲食之

渝變也

註

謂變易

疏

謂變易也詩曰舍命不渝

宜肴也

註

詩曰與子宜之

疏

謂肴饌也李巡曰飲酒之肴也詩曰與子宜之者

鄭風女曰
雞鳴文也

夷悅也

註

詩曰我心則夷

疏

謂喜悅也
注詩曰我心則夷者召南草蟲文

顛頂也

註

頭上

疏

謂頭上也
詩曰有馬白顛

耄老也

註

八十為耄

疏

音迭
耄鐵也
郭云八十為耄
詩秦

風市鄰云逝者其耄毛傳云八十曰耄易離卦云大耄之嗟鄭注云年踰七十僖九年左傳曰伯舅耄老服虔曰七十曰耄此及詩傳言八十曰耄者耄有七十八十無正文也詩以仕者七十致事仕者慮已之耄欲得早致事故以為八十此用詩傳為說故與之同

輜輕也

註

詩曰德輜如毛

疏

謂輕微也
注詩曰德輜如毛者大雅烝民

文

伐淺也

註

詩曰小戎伐收

音踐

疏

謂淺近

註

詩曰小戎

也

綯絞也

註

糾絞繩索

音陶

疏

謂糾絞繩索也李巡曰綯

綯索

訛化也

註

詩曰四國是訛

疏

匡正之化也

註

詩曰四

跋躡也

註

詩曰狼跋其胡彘踳也

註

詩曰載彘其尾

躡

音獵彘音致

疏

李巡曰跋前行曰躡踳御頓曰彘

註

踏其葉切

跋文也說文云跋躡丁干切踏躡竹二切躡即彘也

然則跋與彘皆是顛倒之類以跋為躡者謂跋其胡

而倒躡耳毛傳云老狼有胡謂頷下垂胡進則躡其

胡謂躡胡而前倒也退則踏其尾謂御頓而倒於尾

也

烝塵也

註

人衆所以生塵埃

疏

孫炎曰烝物久之塵小雅南有嘉魚烝然罩罩

郭云人衆所以生塵埃

戎相也

註

相佐助

疏

相如字注同一云相助也息亮切故注云相佐助也

飲私也

註

宴飲之私

疏

孫炎曰飲非公朝私飲酒也郭云宴飲之私小雅常棣云飲酒

之飲毛傳云飲私也不脫屨升堂謂之飲鄭箋云私者圖非常之事若議大疑於堂則有飲禮焉聽朝爲

公周語曰王公立飲

孺屬也

註

謂親屬

疏

李巡云孺骨肉相親屬也常棣云和樂且孺毛傳云九族會日和孺

屬也鄭箋云屬者昭穆相次序

幕暮也

註

幕然暮夜

說

幕然暮夜也

煽熾也熾盛也

註

互相訓煽義見詩

說

轉相解也皆雙
寵熾盛也注煽

義見詩者小雅十月
之交云艷妻煽方處

柢本也

註

謂根本

音

帝

說

謂根本也周禮典瑞云四圭
有邸鄭司農云於中央為壁

圭著其四面一玉俱成即引此文云邸本也圭木著
於壁故四圭有邸圭木四出故也又曰兩圭有邸後
鄭云儼而同邸皆謂
本也柢邸音義同

窈窕也

註

窈窕間隙

音

窈

窈窕間隙也詩周南關雎
窈窕淑女毛傳云窈窕

幽閒鄭箋云幽閒深宮皆謂
淑女所處之宮形狀窈窕然

淪率也

註

相率使

說

謂相牽率郭云相率使小
雅雨無正云無淪胥以鋪

懼毒也

註

憂思慘毒

說

釋詁云懼憂也郭云憂思慘毒小雅小弁云我獨于懼

檢同也

註

模範同等

說

檢模範也郭云模範同等說文云書署也

郵過也

註

道路所經過

說

郵謂郵亭過經過也郭云道路所經過郊特性云郵表啜

遜逃也

註

謂逃去

說

謂逃去也春秋莊元年夫人姜氏孫于齊公羊傳曰孫者何孫猶遜

也內諱奔謂之孫穀梁傳曰孫之為言猶孫諱奔也

斃踣也

註

前覆債僵也

說

卸僵切○斃音弊踣音非前覆債音糞僵音姜

顛覆之名也斃又謂之踣皆前覆也檀弓云躬之斃鄭箋云斃什也然則又為什債謂之僵皆仰僵也左

傳曰鄭伯之車債於濟

畛殄也

註

謂殄絕

說

謂殄絕也周頌載芟云徂隰徂畛毛傳曰畛場也地官遂人云十夫

有溝溝上有珍則珍謂地叫之徑路也至此而易之故以珍為場易則地絕故得為珍

曷盍也

註

盍何不

疏

郭云盍何不也論曰盍各言爾志

虹潰也

註

謂潰敗

音會

疏

潰敗亂也大雅抑篇云實虹小子召女蝨賊內証

陪闇也

註

陪然冥貌

音陪

疏

謂冥昧也郭云陪然冥貌

𪔐膠也

註

膠黏𪔐

音

疏

膠黏𪔐也方言云𪔐教黏也齊魯青徐自關而東或

曰𪔐或曰教

孔甚也厥其也夏禮也

註

謂常禮

疏

孔甚厥其通見詩書釋詁云夏常也

故郭云謂常禮

闔臺也

註

城門臺

音都

疏

謂城門臺也鄭風云出其闔闔毛傳云闔曲城也闔城臺

也

囚拘也

註謂拘執

疏謂拘執也月令云挺重囚左傳曰南冠而縶者楚囚也縶則拘執也

攸所也展適也

註得自申展皆適意

疏易曰利有攸往郭云得自申展

皆適意

鬱氣也

註鬱然氣出

疏鬱然氣出也謂鬱蒸之氣也

宅居也

註謂居處也大雅文王有聲云宅是鎬京

休慶也

註謂嘉慶也商頌曰何天之休

祈叫也

註祈祭者叫呼而請事

疏祈猶禱也求也春官大祝掌六祝之辭以

祈福祥求永貞郭云祈祭者叫呼而請事

爾雅疏

卷之二十一

澹幽深也

註澹亦深也哲智也

疏舍人曰澹下之深也
哲大智也郭云澹亦

深也虞書舜典云澹哲文明孔安國云
舜有深智言其智之深所知不淺近也

弄玩也

疏謂玩好也小雅斯干云載弄之璋
鄭箋云玩以璋者欲其比德焉

尹正也

註謂官正也皇匡正也
疏詩曰四國是皇

疏正長

也郭云謂官正也言為一官之長也周書君陳曰尹
茲東郊皇君威之正匡救諫之正孝經云匡救其惡
註詩曰四國是皇
者幽風破斧文也

服整也

註服御之令齊整

疏謂整治也郭云服御之令
齊整周南葛覃云服之無

敬

聘問也

註見穀梁傳

疏問謂存省之對而言之則聘問
異周禮大行人云時聘以結諸

侯之好問問以喻諸侯之德又曰凡諸侯之邦交歲相問也殷相聘也聘禮云小聘曰問是異也散而言之皆謂相存省故此云聘問也注見穀梁傳者按隱九年春天王使南季來聘穀梁傳曰南氏姓也季字也聘問也

愧慙也

疏

謂慙耻也小爾雅云不直失節謂之慙慙愧也面慙曰難心慙曰慙體慙曰遠方言云悔

慙赦慙也晉曰悔或曰慙秦晉之間凡愧而見上謂之赦梁宋曰慙又云僂慙慙也荆揚青徐之間曰僂若梁益秦晉之間言心內慙矣山之東西自愧曰慙趙魏之間謂之恥○慙音匿僂音腆慙女六切恥音

密亦音祕

殛誅也

註

書曰鯀則殛死

○殛紀力切

疏

謂誅責**註**書曰鯀則殛死者周書洪

文範

爾雅疏

卷之二十二

克能也翌明也

註

書曰翌日乃瘳

疏

克能通見書傳
書曰翌日乃瘳

書金
滕文

訥訟也

註

言訥澆

疏

多爭訟郭云言訥澆訥即謹
小雅節南山云降此鞠訥

晦冥也奔走也遂退也

註

外傳曰已復於事而遂

○冥
亡定

切

疏

冥謂闇冥見公羊傳奔走大走也左傳曰車馳卒
奔遂却退也
註外傳曰已復於事而遂者齊語

管仲對桓公辭也韋昭曰已畢也遂伏退也此國語

也而謂之外傳者韋昭曰左丘明采錄前世穆王以

來下訖魯悼智伯之誅邦國成敗嘉言善語陰陽律

呂天時人事逆順之數以為國語其文不主於經故

號曰外

傳也

寔什也

註

頓躓倒什

○什
音赴

疏

即前文踏與踏也
郭云頓躓倒什

亞次也諗念也

註 相思念

○諗音沈
註 亞下次也通見書傳
諗者相思念也小雅

四牡云將
母來諗

屈極也

註 有所限極

疏 有所限極也大雅
瞻仰云靡有夷屆

弁同也

註 詩曰奄有龜蒙弁蓋也

註 謂覆蓋

疏 廣異言
也詩

口奄有龜蒙魯頌闕宮文言弁覆同為已有弁又
為蓋謂覆蓋也易曰惡積而不可揜弁揜音義同

恫痛也

註 詩曰神罔時恫

疏 謂痛傷
詩曰神罔時恫
大雅思齊文王肅云文王

之德能上順祖宗安寧百
神無失其道無所怨痛

握具也

註 謂備具

疏 握持辦具也郭云謂備具李本作
幄釋云居位處之具也秦風權輿

云夏屋渠渠鄭箋云
屋具也義其同乎

振訊也

振者奮迅

謂振訊去塵也郭云振者奮迅也曲禮曰振書端冊

鬪恨也

相怨恨

歷切 **鬪**呼郭云相怨恨孫炎本作狠解云相狠戾小雅棠棣云

兄弟鬪于牆毛傳云鬪狠也狠者忿呼之名曲禮曰狠無求勝以字形異濫故釋者致殊于義兩解得之

越揚也

謂發揚對遂也

詩曰對揚王休

揚謂稱美郭云

謂發揚遂者因事之辭 **詩曰對揚王休者大雅江漢文**

燬火也

詩曰王室如燬燬齊人語

○燬 **李巡曰燬**音毀 **一名火孫**

炎曰方言有輕重故謂火為燬郭云燬齊人語方言云燬呼隗切火也楚轉語也猶齊言焜音毀火也

詩曰王室如燬者周南汝墳文

懈怠也

謂情慢也大雅黍民云夙夜匪懈

宣緩也

註

謂寬緩遇偶也

註

偶爾相值遇

疏

郭云偶爾相值遇春

秋隱八年春宋公衛侯遇于垂穀梁曰不期而會曰遇

曩曩也

註

國語曰曩而言戲也

疏

在今而道既往或曰曩或曰曩書大傳云

曩之取於罔中勇力之取也國語曰曩而言戲也者案晉語驪姬與優施謀飲里克酒乃歌曰暇豫之吾吾不如身身人皆集於苑已獨集於枯里克笑曰何謂苑何謂枯優施曰其母為夫人其子為君可不謂苑乎其母既死其子又有謗可不謂枯乎枯且有傷優施出里克辟奠不餐而寢夜半召優施曰曩而言戲乎抑有所聞之乎是也

惶暇也

註

詩曰不遑啓處

○惶

疏

謂閒暇詩曰不遑啓處者小雅四杜文

宵夜也

疏

舍人曰宵陽氣消也詩云肅肅宵征書曰宵中星虛

不牙頂

○

憊忤也

謂愛忤愒貪也

謂貪羨

○憊烏報切忤五館切愒苦蓋切

疏

皆謂愛忤貪羨也昭元年左傳云主民疏歲而愒日杜注云忤愒皆貪也

搯枉也

○

相搯拄

○搯音枝拄音注

○

郭云相搯拄也說文云搯拄砥古用冰今以石

字書云拄屋之欹

裁節也竝併也

○

詩曰竝坐鼓瑟

○

易泰卦云后以財成天地之道裁財

音義同竝併古今字竝坐鼓瑟者泰風車鄰篇文

卒既也

○

既已

○

皆謂盡已也

槽慮也

○

謂謀慮也

○槽音四

○

郭云謂謀慮也字書作槽

將資也

○

謂資裝

○

行所資也郭云謂資裝

耑紱也

註

今人呼縫紱衣為耑

○

耑致恥

說

謂縫刺也
郭云今人

呼縫紱衣為耑鄭注司服云
耑散絺繡為耑謂刺繡也

遞迭也

註

更迭

說

李巡曰遞者更迭間廁相代
之義也
郭云胡迭而微

矧况也

註

譬况

說

說文云矧况辭從矢取辭如矢也
郭云譬况謝氏云志譬况是也

廩鮮也

註

或說云即倉廩所未詳

○

廩息

說

廣雅云廩
倉也則廩

廩百用倉之別各孫炎曰廩藏穀廩絜也舍
人云廩少鮮也郭云或說云即倉廩所未詳

逭逃也

註

亦見禮記

○

逭

說

謂逭逃商書太甲云自作
音換
逭注亦見禮記者

案緇衣云子曰小人溺於水君子溺於口大人溺於
民皆在其所棄也下云太甲曰天作孽可違也自作

孽不可
以逭

訊言也

訊

相問訊

訊

訊問以言也郭曰相問訊詩云執訊獲醜

間覘也

間

左傳謂之謀今之細作也

○間諜覘

間

反間一名

覘今之細作也

間

左傳謂之謀者案栢十二年云使

伯嘉謀之杜注云謀伺也兵書謂之反間也案說文

云謀軍中反間也謂佯為敵國之人入其軍中伺候

間隙以反報其主人鄭注周禮掌戮云謀謂姦寇反

者間

沅沆也

沅

水流潏沆

○沅音云沆

沆

說文云沅轉流也一沆胡黨切

澆沆水大貌

干扞也

干

相扞衛

干

郭云相扞衛孫炎曰干盾自蔽扞周南兔置云公侯干城言公侯以

武夫自固為扞蔽如盾為防守如城然

趾足也

註足脚跣刑也

註斷足

味切

疏易云賁其趾

謂之脚跣刑名刑斷人刑也呂刑云刑罰五百孔安國云刑足曰刑鄭注司刑云刑斷足也周改贖作別

非刑音義同

襄駕也

註書曰懷山襄陵

疏謂乘駕也鄭風大叔于田云兩服上襄**註**書曰懷山

襄陵堯典文

忝辱也煥煖也

註今江東通言煥

六切

疏忝謂恥辱也詩曰無

忝爾所生煖溫也洪範云哲時煥若郭云今江東通言煥

塊塼也

註土塊也外傳曰枕由以塼

通切

疏塊者結土也說

文云塊俗由字也由一名塼郭云土由也**註**外傳曰枕由以塼案吳語吳王夫差既許越成乃大戒師徒

爾雅

卷之二十二

將以伐齊申胥進諫曰昔楚靈王不君其臣箴諫不
 入乃築臺於章華之上闕為石郭陂漢以象帝舜罷
 弊楚國以間陳蔡不脩方城之內踰諸夏而圖東國
 三歲於沮汾以服吳越其民不忍饑勞之殃三軍叛
 王於乾谿王親獨行屏營傍徨於山林之中三日乃
 見其涓人疇王呼之曰余不食三日矣疇趨而進王
 枕其股以寢於地王寐疇枕王以撲而去之王覺而
 無見乃匍匐將入於棘圍棘圍不納也乃入芋尹申
 亥氏焉是其事也說文云撲四角切亦塊也今注云
 枕由者字之誤也由當作土又外傳作撲郭云以垢
 者蓋亦理同或
 所見本異也

將齊也

註

謂分齊也詩曰或肆或將

○齊才

註

郭云謂分齊也

詩曰或肆或將者小雅楚茨文毛傳云肆陳將齊也
 或陳于牙或齊其肉王肅云分齊其肉所當用也

餽餼也

註

糜也

註

郭云糜也下云鬻糜郭云泔糜然則
 餽餼鬻糜相類之物稠者曰糜淖者

曰鬻餽餽是其別名昭七年左傳云餽於是鬻於是以餽余口

啓跪也

註小跪

疏謂跪拜也小雅四牡云不遑啓處郭云小跪說文云跪長跪也莊子云擎

之禮也 毘曲拳臣

聘密也

註謂緻密

○聘武延切

疏郭云謂緻密

開闢也

註書曰闢四門

疏書曰闢四門虞書舜典文

袍襪也

註左傳曰重襪衣裳

○襪吉典切

疏玉藻云纁爲襪纁爲袍鄭玄云

衣有著之異名也纁謂今之新綿纁謂今之纁及舊絮也然則襪是袍之別名謂新綿著袍者也左傳

曰重襪衣裳者魯襄公二十一年傳云楚子使遽子馮爲令尹遂以疾辭方暑闕地下水而牀焉重襪衣

裘鮮食而寢是也

爾雅

卷之二十七

障吟也

註

謂壅障

疏

郭云謂壅障一各吟左傳曰封吟土畧

靦媯也

註

面媯然

疏

郭云面媯然說文曰靦面見人媯面音滑

靦也然則靦與媯皆面見人之貌詩云有靦面目

鬻糜也

註

淖糜

六切鬻之

舒緩也

註

謂遲緩

疏

郭云謂遲緩詩云舒

而脫脫兮

翽翽也

註

今之羽葆幢翽翽也

註

舞者所以自蔽翽

疏

徒刀切翽徒到切

疏

李巡曰翽舞者所持翽也孫炎曰翽舞者所持羽也郭云今之羽葆幢鄭司農注鄉師云翽羽葆幢也蔡邕獨斷云以旄牛尾為之大如斗在左駢馬頭上所謂黃屋左纛纛又謂之翽

郭云舞者所以自蔽翽然則翽又名為纛纛所以為翽故王風云左執翽毛傳云翽纛也翽也

郭云舞者所以自蔽翽然則翽又名為纛纛所以為翽故王風云左執翽毛傳云翽纛也翽也

隍窳也

詁城池空者為窳

詁隍城池無水者郭云城池空者為窳易泰卦上六城

復於隍

芼擻也

詁謂拔取菜

詁孫炎曰皆擇菜也某氏曰擻猶拔也郭云謂拔取菜以擻是拔

之義史記曰斬將擻旗謂拔取敵人之旗也周南關雎云參差荇菜左右芼之故云謂拔取菜毛傳云芼擇亦謂拔菜而擇之也

典經也威則也

詁威儀可法則

詁周禮太宰之職掌建邦之六典鄭注云典

常也經也法也王謂之禮經常所秉以治天下也邦國官府謂之禮法常所守以為法式也常者其上下通名郭云威儀可法則詩曰敬慎威儀維民之則

苛姢也

詁煩苛者多嫉姢

○姢胡計切

詁說文云姢妬也郭云煩苛者多嫉姢

爾雅

卷之二十八

言煩苛之人多嫉妬

芾小也

𦵏

芾者小貌

音貝

𦵏

芾是木榦及葉之小者也
召南云蔽芾甘棠此比於

大木為小也我行其野云蔽芾其擗鄭箋云擗之蔽
芾始生為擗葉之始生形亦小也郭云芾者小貌

迷惑也

𦵏

𦵏伏復為

復扶又切

𦵏

小雅節南山云俾民

不迷謂不惑也
伏前事復為也說文云𦵏狎也伏習也鄭風云將叔

無狎毛傳云狎習也
騷之役杜注云狎伏也然則狎伏皆貫習之義復亦

貫習之意也

逼迫也

𦵏

左傳曰般馬之聲

音班

𦵏

逼迫

也般還反也左傳曰般馬之聲者襄公
十八年晉大夫邢伯告中行伯之辭也

班賦也

註

謂布與

疏

郭云謂栢與布六年左傳云諸侯之大夫戍齊齊人饋之餼使魯為

其班聘禮記云盼肉及廩車班盼音義同左傳曰屬役賦丈

濟渡也濟成也濟益也

註

所以廣異訓各隨事為義

疏

郭云所以廣異訓各隨事為義方言云過渡謂之涉濟彼注云猶今云濟渡左傳曰濟河焚舟濟又為成

左傳曰以欲從人則可以人從欲鮮濟濟又為增益左傳曰盍請濟師於王

緡綸也

註

詩曰維絲伊緡緡繩也江東謂之綸

○緡音民

疏

孫炎云皆繩名也郭云緡繩也江東謂之綸詩曰維絲伊緡者召南何彼穠矣文

辟歷也

註

未詳聚盞也

註

漣漣出涎沫

○辟婢亦切

疏

李巡云吐沫漣也郭云漣漣出涎沫鄭語云訓語有之曰夏之衰也褒人之神化為二龍以伺于庭而言

爾雅疏

卷之二二十九

曰余褒之二君夏后卜殺之與去之與止之莫吉卜請其祭而藏之吉韋昭云祭龍所吐沫龍之精氣也

寬綽也

註

謂寬裕也

疏

孫炎云性之裕者郭云謂寬裕也臯陶謨云寬而栗

衮黻也

註

衮衣有黻文

疏

郭云衮衣有黻文小雅采芣云玄衮及黼衮必兼有黼黻

詩但言及黼嫌於無黻故此釋之毛傳云玄衮卷龍也白與黑謂之黼鄭箋云玄衮玄衣而畫以卷龍也

黼黼謂絺衣也諸公之服自衮冕而下

皇華也

註

釋草曰葶華榮

○華胡瓜切

疏

草木之華一名皇華光引詩云皇皇

者華孫炎云皇皇猶煌煌郭云釋草曰皇華榮引之以證皇亦華榮之名

昆後也

註

謂先後方俗語

疏

郭云謂先後方俗語大禹謨云官占惟先蔽志昆命

元龜

彌終也

註

終竟也

疏

郭云終竟也大雅生民云誕彌厥月言大矣后稷之在其母終人道

十月而生也



全
凡

孫也

孫也

凡言大矣或野步或共得孫人節
孫也
大孫也
凡言大矣或野步或共得孫人節

爾雅註疏卷第三

晉郭璞註

宋邢昺疏

釋訓第三

詒案釋詁云訓道也周禮地官有士訓誦訓鄭司農注云謂以遠方士地所

生異物以告道王也後鄭云玄謂士訓能訓說土地善惡之勢誦訓能訓說四方所誦習及人所作爲及時事然則此篇以物之事義形貌告道人也故曰釋訓案此所釋多釋詩文故郭氏卽以詩義解之

明明斤斤察也

註皆聰明鑒察
○斤居
詒舍人曰明明
覲反
詒言其明甚孫

炎曰明明性理之察也大雅常武云赫赫明明舍人曰斤斤物情詳之察也孫炎曰斤斤重慎之察也周

爾雅疏

卷之三

宋郭璞

頌執競云斤斤其

明聰明鑒察也

條條秩秩智也

註

皆智思深長

疏

皆智思深長也

小雅賓之初筵

云左右秩秩言其威

儀審智不失禮也

穆穆肅肅敬也

註

皆容儀謹敬

疏

周頌雝篇云有來雝雝至止肅肅相維粹

公天子穆穆此皆禘

祭之時容儀謹敬也

諸諸便便辯也

註

皆言辭辯給

疏

便婢

疏

皆言辭辯給也論語云便

便言小雅采芣云平平左右毛

傳云平平辯治也便平古今字

肅肅翼翼恭也

註

皆恭敬

疏

皆恭敬也大雅思齊云肅肅在廟大明云維此文王

小心翼翼言文王

及羣臣恭敬貌也

靡靡優優和也

註 皆和樂

靡靡於

疏 大雅思齊云雖雖在宮商頌長發云

敷政優優此皆人君德政和樂也

兢兢愬愬戒也

註 皆戒慎

疏

小雅小旻云戰戰兢兢大雅抑篇云子孫繩繩此皆

小心戒慎也 繩愬音義同

戰戰蹉蹉動也

註 皆恐動趨步

疏

小旻云戰戰兢兢楚茨云濟濟蹉蹉此皆

恐動趨步威儀謹敬也

晏晏溫溫柔也

註 皆和柔

疏

衛風氓篇云言笑晏晏大雅抑篇云溫溫恭人此皆

寬緩和柔也

業業翹翹危也

註 皆懸危

疏

大雅召旻云兢兢業業豳風鴟鴞云予室翹翹此皆

懸危恐懼也

惴惴懍懍懼也

[註]

皆危懼

○惴之瑞反 懍許堯反

[註]

秦風黃鳥云惴惴其慄

風鸚鵡云子維音噍 噍此皆危恐戰懼也

番番矯矯勇也

[註]

皆壯勇之貌

○番波矯 居兆反

[註]

大雅崑高云申伯番

番魯頌泮水云矯矯虎臣此皆武夫壯勇之貌

桓桓烈烈威也

[註]

皆嚴猛之貌

[註]

皆威武嚴猛之貌周頌桓篇云桓桓武王

小雅黍苗云烈烈征師

洸洸赳赳武也

[註]

皆果毅之貌

[註]

大雅江漢云武夫洸洸周南兔置云赳赳

武夫此皆武夫果毅之貌 左傳殺敵爲果致果爲毅

藹藹濟濟止也

註皆賢士盛多之容止

○藹烏害反
濟子禮反

疏

大雅卷阿云藹藹王多占上小雅楚茨云
濟濟蹠蹠此皆王朝賢士盛多之容止也

悠悠洋洋思也

註皆憂思

○思

冠鄭風子衿云悠悠我
思邛風二子乘舟云

中心養養此皆想念憂思也洋養音義同又中庸云
齊明盛服以承祭祀洋洋乎如在其上如在其左右

鄭玄云洋洋人想
思其俯倚之貌

蹶蹶踏踏敏也

註皆便速敏捷也

○踏

冠唐風蟋蟀云
良士蹶蹶小

雅楚茨云執爨踏踏此
皆便速敏捷於事也

薨薨增增眾也

註皆眾夥之貌

疏

周南螽斯云螽斯羽
薨薨兮魯頌閟宮云

烝徒增增此皆人物眾
夥之貌楚人謂多為夥

烝烝遂遂作也

註

皆物盛興作之貌

疏

皆物盛興作之貌也魯頌泮水

云烝烝
皇皇

委委佗佗美也

註

皆佳麗美豔之貌

疏

○佗李巡曰皆容之美也

孫炎曰委委行之美佗佗長之美詩鄘風君子偕老云委委佗佗毛傳云委委者行可委曲蹤迹也佗佗者德平易也是皆佳麗美豔之貌也

怵怵惕惕愛也

註

詩云心焉惕惕韓詩以為悅人故言

愛也怵怵未詳

○怵徒啓反

疏

李巡曰怵怵和適之愛也云心焉惕惕者陳風防

有鵲巢文云韓詩以為悅人故言愛也者燕人韓嬰為詩作傳名曰韓詩以此惕惕為悅人故言愛也

備備格格舉也

註

皆舉持物

疏

皆謂舉持物也

纂纂孽孽戴也

註

皆頭戴物

疏

周南桃夭云其葉纂纂
衛風碩人云庶姜孽孽

此皆頭戴物
婦人盛飾貌

慤慤媢媢安也

註

皆好人安詳之容

○慤於占
反媢題

疏

秦風
小戎

云厭厭良人毛傳云厭厭安靜也孫炎云媢媢行步
之安也魏風葛屨云好人媢媢毛傳云媢媢安諦謂
行步安舒而齊諦也是
皆好人安詳之容也

祁祁遲遲徐也

註

皆安徐

疏

皆安徐也幽風七月云
春日遲遲采芣祁祁

丕丕簡簡大也

註

皆多大

疏

書立政云以竝受此丕丕
基周頌執競云降福簡簡

是皆多
大之稱

孛孛萌萌在也

註

萌萌未見所出

疏

謂存在也易係辭
云成性孛孛萌萌

字書作蕙說文作
蘭郭云未見所出

懋懋懋勉也

皆自勉強
○懋茂
懋暮

皆出勉強也書
曰懋哉懋哉懋

與慕

同

庸庸惺惺勞也

皆劬勞也
○惺
皆劬勞也小雅巷

者皆勞也小雅巷

伯云勞人草草毛傳云草草勞心也又
陳風月出云勞心惺今惺草音義同

赫赫躍躍迅也

皆盛疾之貌

○赫
音釋
孫炎云赫赫顯
著之迅大雅常

武云赫赫業業毛傳云赫赫然盛也巧
言詩云躍躍兔是皆顯著然疾之貌

綽綽爰爰緩也

皆寬緩也小雅角弓云綽綽有裕毛
傳云綽綽寬也王風兔爰云有兔爰

爰毛傳云爰爰緩意郭云悠悠爾爾不不簡簡存存
懋懋庸庸綽綽盡重語者言此數字單言之其義亦

同但古人有重語者故復出之

坎坎墜墜喜也

註皆鼓舞懽喜

○墜七句反

疏

也小雅伐木

云坎坎鼓我墜墜舞我鄭箋云為我擊鼓坎坎然為我與舞墜墜然謂以樂樂已也墜音義同

瞿瞿休休儉也

註皆良士節儉

○瞿居其反

疏

李廵曰皆良士顧禮節之

儉也唐風蟋蟀云良士瞿瞿毛傳云瞿瞿然顧禮義也又云良士休休毛傳云休休樂道之心皆良士節

儉也

旭旭躑躑蹻蹻也

註皆小人得志蹻蹻之貌

○躑巨虐反蹻蹻天反

疏郭氏讀旭旭為好好小雅巷伯云驕人好好鄭箋云好好者喜讒言之人也大雅板篇云小子躑躑

毛傳云躑躑蹻蹻貌是皆小人得志蹻蹻之貌也

夢夢訕訕亂也

註

皆鬧亂

○夢亡工反
訕之問友

疏

孫炎曰夢夢昏昏之亂也

大雅抑篇云視爾夢夢又曰誨爾諄諄皆是鬧亂也訕諄音義同

爆爆邈邈悶也

註

皆煩悶

○爆
電

註

爆爆煩悶也舍人曰藐藐憂悶也大雅抑

篇云聽我藐藐毛傳云藐藐然不入也是皆煩悶之謂也

儻儻洄洄惛也

註

皆迷惛

○儻亡
崩反

疏

皆迷亂惛惑也郭音義云洄本作禰

音章

版版盪盪僻也

註

皆邪僻

疏

皆邪僻也李迥曰叛版失道之僻也盪盪者弗思之

僻也大雅板篇上帝板板毛傳云板板友也上帝以稱王者也鄭箋云王為政反先王與天之道又蕩篇云蕩蕩上帝鄭箋云蕩蕩灑灑廢壞之貌版板盪盪音義同

熯熯炎炎薰也

註皆旱熱薰炙人

音同

說皆旱熱之氣

雅雲漢云蘊隆蟲蟲毛傳云蘊蘊而暑降隆而雷蟲
蟲而熱又云赫赫炎炎毛傳赫赫旱氣也炎炎熱氣

也熯熯
音義同

居居究究惡也

註皆相憎惡

說李巡曰居居不狎習之
惡孫炎曰究究窮極人

之惡唐風羔裘云羔裘豹袂自我人居居又曰自我
人究究毛傳曰居居懷惡不相親比之貌究究猶居

居也是皆
相憎惡也

仇仇敖敖傲也

註皆傲慢賢者

敖五高反

說小雅正

我仇仇毛傳云仇仇猶警警也鄭箋云王既得我執
留我其禮待我警警然亦不問我在位之功力言其

有貪賢之名無用賢之實大雅板篇云我即爾謀聽
我鷙鷙毛傳云猶警也鄭箋云我就女而謀欲忠告

以善道女反聽我言警警然不肯受是皆敖慢賢者敖警音義同

此此瑣瑣小也

註

皆才器細陋

○此

說

皆才器細陋也

此彼有屋毛傳云此此小也鄭箋云此言小人富也舍人曰瑣瑣計謀褊淺之貌節南山云瑣瑣姻亞鄭

箋云瑣瑣婚姻妻黨之小人

悄悄慘慘慍也

註

皆賢人愁恨

說

慍恨怒也皆賢人愁

悄悄慍于羣小毛傳云慍怒也悄悄憂貌李巡曰慘慘憂之慍大雅抑篇云我心慘慘毛傳云慘慘憂

不樂也

瘡瘡痠痠病也

註

皆賢人失志懷憂病也

○瘡管痠

說

小雅杖杜云四牡瘡瘡毛傳云瘡瘡罷貌又大雅板篇云靡聖管管毛傳云管管無所依也小雅正月云

憂心愈愈毛傳云愈愈憂懼也此皆賢人失志懷憂病也

殷殷惇惇切切博博欽欽京京忡忡惛惛忡忡奔奔憂

也

註

此皆作者歌事以詠心憂

○惇惇博 惇惇惇

疏

小雅正月云憂

心慙慙毛傳云慙慙然痛也又云憂心惇惇毛傳云

惇惇憂意也檜風羔裘云勞心切切鄭箋云三諫不

從待放而去息君如是心切切然又素冠云勞心博

博毛傳云博博憂勞也秦風云憂心欽欽毛傳云思

望之心欽欽然小雅正月云憂心京京毛傳云京

京憂不去也召南草蟲云未見君子憂心忡忡毛傳

云忡忡猶衝衝也鄭箋云未見君子者謂在塗時也

在塗時憂憂不當君子無以寧父母故心衝衝然又

曰憂心惛惛毛傳云惛惛憂也小雅頌弁云憂心忡

忡毛傳云忡忡憂盛滿也又云憂心奔奔毛傳云奔

奔然無所薄也此皆作

者歌事以詠心憂也

昉昉田也 **音** 墾辟也 **音** 昉 **音** 昉 謂耕墾開辟土田昉昉

昉原隰毛傳 云墾辟貌

畎畎耜也 **音** 言嚴利 **音** 畎 舍人曰畎畎耜入地之

耜倣載南畝毛傳云畎畎猶測測也鄭箋云良善也 農人測測以利善之耜倣畎是南畝也是言耜之嚴

也利

郝郝耕也 **音** 言土解 **音** 郝 謂耕也有土解散郝郝然

鄭箋云氣蒸達而和之則澤澤然 解散郝郝澤澤並音釋其義亦同

繹繹生也 **音** 言種調 **音** 舍人云穀皆生之貌載芟云驛

云達出地也是言其種調勻皆 出地而生也驛與繹音義同

稔稔苗也

註言茂好也

音遂 **疏**大雅生民云禾役稔稔

好美也是
言茂好也

縣縣穰也

註言芸耨精

○穰方
遙反

疏孫炎云縣縣言詳密也載芟云縣縣其庶

毛傳云庶耘也說文云穰耨鉏田也字林云穰耕禾間也是言芸耨精也穰庶耘芸音義同

恡恡穫也

註刈禾聲

○恡下秩反
穫下郭反

栗栗衆也

註積聚緻

疏孫炎云恡恡穫聲也李巡曰栗栗積聚之衆也良邦云穫之恡恡積之栗栗毛傳恡恡穫聲也栗栗

衆多也小爾雅云截顛謂之恡故郭云刈禾聲積聚緻也緻謂密也

澹澹浙也

註洮米聲

○澹蘇刀切浙音錫

焯焯烝也

註氣出盛

疏

大雅生民云釋之叟叟烝之浮浮毛傳云釋浙米也叟叟聲也浮浮氣也鄭箋云釋之烝之以爲酒及簋

籩之實故郭云泚米聲氣出盛也
也溘叟音異義同浮焯音義同

侏侏服也

註謂戴弁服

疏周頌絲衣云載弁侏侏毛傳云侏侏恭順貌鄭箋云載猶

戴也弁爵弁也爵弁而祭於王士服也故郭氏謂戴弁服

峨峨祭也

註謂執圭璋助祭

疏大雅棫樸云奉璋峨峨毛傳云圭璋曰璋峨峨

盛壯也鄭箋云璋璋瓚也祭祀之禮王祿以圭瓚諸臣助之亞祿以璋瓚奉璋之儀峨峨然故郭云執圭

璋助祭也

鍠鍠樂也

註鐘鼓音

○鍠音黃**疏**周頌執競云鐘鼓嗶嗶毛傳云嗶嗶和也鄭箋云武

王既定天下祭祖考之廟奏樂而入音克諧字書云鍠鍠樂之聲也故郭云鐘鼓音嗶嗶音義同

穰穰福也

註言饒多

疏執競云降福穰穰衆也鄭箋云神與之福又衆大謂如椒辭也

是言得福
饒多也

子子孫孫引無極也

註

世世昌盛長無窮

疏

子子孫孫
小雅楚茨

文也引無極者作者所以釋之也舍人曰子孫
長行美道引無極也郭云世世昌盛長無窮

顯顯印印君之德也

註

道君人者之德望

疏

此道君人
之德望也

顯顯印印大雅卷阿文也君之德也者作者釋之也
○詩云顯顯印印如圭如璋令聞令望毛傳云顯顯
溫貌印印盛貌鄭箋云令善也王有賢臣與之以禮
義相切磋體貌則顯顯然敬順志氣則印印然高朗
如玉之圭璋也人間之則有善聲
譽人望之則有善威儀德行相副

丁丁嚶嚶相切直也

註

丁丁斫木聲嚶嚶兩鳥鳴以喻

朋友切嗟相正

○丁音爭

疏

直猶正也小雅伐木云伐木
丁丁鳥鳴嚶嚶鄭箋云昔日

未居位在農之時與友生於山巖伐木爲勤苦之事
猶以道德相切正也故郭云丁丁伐木聲嚶嚶兩鳥
鳴以喻朋友
切磋相正

藹藹萋萋臣盡力也 **註** 梧桐茂賢才衆地極化臣竭忠

噍噍喈喈民協服也 **註** 鳳凰應德鳴相和百姓懷附

興頌歌 ○盡苦忍切喈音皆 **註** 大雅卷阿云藹藹王多吉士鄭箋云王之朝多善士藹藹然又

云萋萋萋萋離離喈喈毛傳云梧桐盛也鳳皇鳴也
臣竭其力則地極其化天下和洽則鳳皇樂德鄭箋
云萋萋萋萋喻君德盛也離離喈喈喻民臣和協是
皆臣下盡力民人協服也故郭云梧桐茂賢才衆地
極化臣竭忠鳳皇應德鳴
相和百姓懷附興頌歌也

佻佻契契愈遐急也 **註** 賦役不均小國困竭賢人憂歎

遠益急切

契苦結反

切

愈益也遐遠也謂賦役不均

切也小雅大東云糾糾葛屨可以履霜

彼周行毛傳云佻佻獨行貌公子謂公也鄭箋云

葛屨夏屨也周行周之列位也言時財貨盡雖公子

衣屨不能順時乃夏之葛屨今以履霜送轉餽因見

使行周之列位者而發幣焉言雖困乏猶不得止又

云契契寤歎哀我憚人毛傳云契契憂苦也鄭箋云

今譚大夫契契憂苦而寤歎哀其民人之勞苦是也

寘寘粲粲尼居息也

註

盛飾宴安近處優閒

○尼女

切

尼近也謂寘寘盛飾近處優閒也小雅北山或燕燕
居息毛傳云燕燕安息貌大東云東人之子職勞不
來西人之子粲粲衣服毛傳云東人譚人也來勤也
西人京師人也粲粲鮮盛也鄭箋云職主也東人勞
若而不見謂勤京師人衣服
鮮潔而逸豫言王政偏甚也

哀哀悽悽懷報德也

註

悲苦征役息所生也

疏

懷息也悲苦征

役息報父母之德也小雅蓼莪云哀哀父母生我劬

勞鄭箋云哀哀者恨不得終養父母報其生長已之

苦郭音云悽木或作萋出車云赫赫南仲薄伐西戎

春日遲遲卉木萋萋是也言以此征役故息所生也

所生謂

父母

儵儵嘒嘒罹禍毒也

註

悼王道穢塞羨蟬鳴自得傷已

失所遭讒賊

○儵徒的嘒呼惠

疏

罹遭也小雅小弁云踧踧

踧平易也周道周室之通道鞠窮為茂草毛傳云踧

王信褒姒之讒亂其德政使不通於四方又曰菀彼

柳斯鳴蜩嘒嘒毛傳云蜩蟬也嘒嘒聲也鄭箋云柳

木茂盛則多蟬案詩序云小弁刺幽王也太子之傳

作焉毛傳云幽王取申女生太子宜曰又悅褒姒生

子伯服立以為后而放宜咎將殺之故郭云悼王道

穢塞羨蟬鳴自得傷已失
所遭讒賊儵欺起音狄

晏晏旦旦悔爽忒也

註

傷見絕棄恨士失也

疏

悔恨也爽忒差

失也皆婦人恨夫棄已而行差失也衛風氓篇云總角之晏言笑宴宴信誓旦旦毛傳云總角結髮也晏晏和柔也信誓旦旦然鄭箋云我為童女未笄結髮晏然之時女與我言笑晏晏然而和柔我其以信相誓旦旦耳言其懇惻款誠案詩序云恨刺時也宣王之時禮義消亡淫風大行男女無別遂相奔誘華落色衰復相棄背或乃因而自悔喪其妃耦故序其事以風焉故郭云傷見絕棄恨士失也

臯臯瑁瑁刺素食也

註

譏無功德尸寵祿也

疏

瑁胡犬反刺士賜

反

疏

素空也刺無德而罔食其祿也舍人曰臯臯不

治之貌大雅召旻云臯臯訛訛曾不知其玷毛傳云臯臯頑不知其道也鄭箋云玷缺也王政已大壞小人在位曾不知大道之缺某氏云韜韜無德而

爾雅疏

卷之三十一

佩小雅大東云韜韜佩璫不以其長毛傳云韜韜玉貌璫瑞也鄭箋云佩璫者以瑞玉爲佩佩之韜韜然居其官職非其才之所長也徒美其佩而無其德刺其素餐是也郭云譏無功德尸寵祿也者案鄭注禮記云尸謂不知人事無辭讓也以其尸皆神象居位不言但受祭享小人任位亦無言而受寵祿有似於尸故云尸寵祿也瑁韜音義同

懼懼惛惛憂無告也

○賢者憂懼無所訴也

○懼音貫

○謂賢者憂懼無所告訴也大雅板篇云老夫灌灌毛傳云灌灌猶款款也鄭箋云老夫諫女款款然

王風云中心搖搖毛傳云搖搖憂無所愬灌灌惛惛搖音義同

憲憲洩洩制灋則也

○佐與虐政設教令也

○李巡曰

爲制灋則也孫炎曰厲王方虐諂臣竝爲制灋令大雅板篇云天之方難無然憲憲天之方蹶無然泄

泄毛傳云憲猶欣欣也蹶動也泄泄猶吝吝也鄭箋云天斥王也王方欲艱難天下之民又方變更先王之道臣平女無憲憲然無吝吝然爲之制瀆度達其意以成其惡皆是佐與虐政設教令也

諛諛諂諂崇讒慝也

註樂禍助虐增譖惡也

○諂虛

疏

崇增也讒也慝惡也舍人曰諛諛諂諂皆盛烈貌孫炎曰厲王暴虐大臣諛諛諂諂然盛以興讒惡也大雅板篇云天之方虐無然諛諛毛傳云諛諛然喜樂鄭箋云王方爲酷虐之政女無諛諛然以讒慝助之又曰多將煽煽不可救藥毛傳云煽煽然熾盛也鄭箋云多行煽煽慘毒之惡誰能止其禍是也諂煽音義同

翕翕訛訛莫供職也

註賢者陵替姦黨熾背公卹私曠

職事 ○訛子 **疏** 言賢者陵替姦黨熾背公卹私曠其職事無肯供職也小雅小旻云滄

滄訛訛亦孔之哀毛傳云滄滄然思其上訛訛然思
不稱乎上鄭箋云臣不事君亂之階也甚可哀也又
大雅召旻云臯臯訛訛毛傳云訛訛厥不共事也故
郭云賢者陵替姦黨熾盛背公卹私曠職事說文云
麻癩也草木皆目豎立惟瓜瓠之屬臥而
不起似若癩人常臥室故字從宀音眠

速速感感惟述鞫也國陋人專祿國侵削賢士求哀念

窮迫國惟念也速急迫也鞫窮也言鄙陋小人專據
爵祿國土侵削致賢士求哀念其窮迫也小

雅正月云藪藪方有穀毛傳云藪藪陋也鄭箋云穀
祿也此言小人富而窶陋將貴也又節南山云感感

靡所騁毛傳云騁極也鄭箋云感感小之貌我視四
方土地日見侵削於夷狄感感然雖欲馳騁無所之

也速藪
音義同

抑抑密也國威儀審諦秩秩清也國德音清泠國儀審

諦德音清冷也舍人曰威儀密靜也大雅假樂云威儀抑抑德音秩秩鄭箋云成王立朝之威儀致密無所失教令又清明天下皆樂仰之

粵 粵 擊 曳 也

謂 牽 挽

粵普經切 擊充泄切

孫 炎 曰 謂 相 擊 曳 人

於惡也郭云謂牽挽周頌小苾嗣王求助也云莫予

莽蜂毛傳云莽蜂摩曳也鄭箋云羣臣小人無敢我

厚也謂為譎詐欺不可信也然則擊曳者從旁牽挽

之言是挽離正道使就邪僻莽粵擊蜂擊摩音義同

朔 朔 方 也

謂 幽 朔

舍人曰朔蓋也 朔方萬物盡於朔

小雅出車云城彼朔方毛傳云朔方北方也但朔

方大名皆言朔方堯典云宅朔方郭云謂幽朔

不 俟 不 來 也

不 可 待 是 不 復 來

侯待也既云不待是不來也郭云不

可 待 是

不 復 來

不遁不蹟也

註

言不循軌跡也

○遁

疏

遁循也蹟軌跡也謂不循道者

曰不蹟郭云言不循軌跡也小雅沔彼云念彼不蹟毛傳云不蹟不循道也是矣

不徹不道也

註

徹亦道也

疏

小雅十月云天命不徹毛傳云徹道也鄭箋云不道

者言王不循之政教是也

勿念勿忘也

註

勿念念也

疏

勿念念也念即不忘也若大雅文王篇云無念爾祖

是也

菱諼忘也

註

義見伯兮考槃詩

○菱諼

疏

衛伯兮云焉得諼草毛傳

云諼草令人忘憂又考槃云永矢弗諼是也伯兮篇木或作菱草

每有雖也

註

詩曰每有良朋辭之雖也

疏

小雅常棣云每有良朋况

也永歎毛傳云况茲永長也箋云每自雖也良善也
當急難之時雖有善同門來茲對之長嘆而已郭云
辭之雖也者言為語
辭之雖無佗義也

饅酒食也

註

猶今云饅饌皆一語而兼通

疏

小雅天保云吉蠲為

饅毛傳云吉善蠲絜也饅酒食也郭云猶今云饅饌
皆一語而兼通者言饅之一字通酒食兩名也李巡

曰得酒食則喜歡也

舞號雩也

註

雩之祭舞者吁嗟而請雨

○雩音干

疏

孫炎云雩之祭

有舞有號左傳云龍見而雩服杜注云雩之言遠也
遠為百穀祈膏雨月令仲夏云大雩帝鄭注云雩吁
嗟求雨之祭也郭云雩之祭舞者吁嗟而請雨是
同鄭說也

暨不及也

註

公羊傳曰及我欲之暨不得已暨不得已

是不得及

○暨音忌
疏案春秋隱元年三月公及邾婁儀父盟于昧公羊傳曰及者何與也

會及暨皆與也曷為或言會或言及或言暨會猶最也及猶汲汲也暨猶暨暨也及我欲之暨不得已也

然則暨者非我欲之事不獲已而為會者也故云不及也

蠢不遜也

註蠢動為惡不謙遜也

疏蠢動也遜順也言蠢動為惡不謙遜

也小雅采芄蠢爾蠻荆大邦為讎是也

如切如磋道學也

註骨象須切磋而為器人須學問以

成德如琢如磨自脩也

註玉石之被琢磨猶人自脩

飾瑟兮憺兮恂慄也

註恒戰竦赫兮喧兮威儀也

貌光宣有斐君子終不可諼兮

註斐文貌道盛德至

善民之不能忘也

註

常息詠

○ 徧音限
咍音喧

疏

此舉衛風淇澳篇文

以釋之也云如切如磋者詩文也云道學也者作者以釋詩也道言也言人之學以成德如切如磋骨象以成器毛傳云治骨曰切象曰磋道其學而成也故郭云骨象須切磋而為器人須學問以成德云如琢如磨者詩文也云自脩也者釋之也言人自脩飾如琢磨玉石毛傳云治玉曰琢石曰磨聽其規諫以自飾云瑟今徧今者詩文也向慄也者釋之也謂嚴洵戰慄也故郭云恒戰竦毛傳云瑟矜莊貌徧寬大貌是外貌莊嚴又內寬裕也云赫今阻今者詩文也威儀也者釋之也言赫咍者容儀發揚之貌言威儀也毛傳云赫有明德赫赫然咍威儀容止宜著也故郭云貌光宣云有斐君子終不可諉今者詩文也云道盛德至善民之不能忘也者釋之也毛傳云斐文章貌諉忘也此道有斐然文章之君子盛德至善如此故民稱之常息詠終不能忘也案詩稱君子謂武公

既微且癩 胛瘍為微 腫足為癩
[註] 胛脚脛瘍創也 ○癩

切胛音莧 **[說文]** 云既微且癩者小雅巧言文也云胛瘍
瘍音羊 **[說文]** 為微腫足為癩者釋之也孫炎曰皆水

涇之疾也郭云胛脚脛也瘍創也然則膝之下有瘡
腫是涉水所為故鄭箋亦云此人居下溼之地故生

微癩之疾詩云居河
之廩是居下溼也

是刈是穫 獲煮之也
[註] 煮葛為絺綌 **[說文]** 云是刈是穫者
周南葛覃文也

云獲煮之也者釋之也舍人曰是刈刈取之是獲煮
治之郭云煮葛為絺綌以煮之於鑊故曰獲煮非訓

獲為煮以彼下云為絺為綌故知煮
葛為絺綌也毛傳云精曰絺粗曰綌

履帝武敏 武迹也 敏拇也
[註] 拇迹大指處 ○拇 **[說文]** 云履

敏者大雅生民文也云武迹也敏拇也者釋之也郭
云拇迹人指處鄭箋詩云祀郊禘之時時則有大神

之迹姜嫄履之足不能滿履其柶指之處於是遂有身而生后稷是其事也

張仲孝友註周宣王時賢臣善父母為孝善兄弟為友

疏云張仲孝友者小雅六月文也云善父母為孝善兄弟為友者釋之也李巡云張仲字其入孝故稱

孝友毛傳云張仲賢臣也鄭箋云張仲吉甫之友其性孝友以詩序云六月宣王北伐也故郭云周宣王

時賢臣

有客宿宿言再宿也有客信信言四宿也註再宿為信

重言之故知四宿疏云有客宿宿有客信信者周頌

也者釋之也毛傳云一宿曰宿再宿曰信各重言之故知再宿及四宿也

美女為媛註所以結好媛疏媛于眷切疏詩廓風君子偕老云展如之人兮邦

之媛也故此釋之郭云所以結好媛孫炎曰君子之
援助然則由有美可以援助君子故云美女為媛

美士為彥 **註** 人所彥詠 **疏** 鄭風羔裘云彼其之子邦之
彥今故此釋之也毛傳云彥

士之美稱郭云人所彥詠舍
人曰國有美士為人所言道

其虛其徐威儀容止也 **註** 雍容都雅之貌 **疏** 云其虛其
徐鄙風非

風文也威儀容止也者釋之也郭云雍容都雅之貌
孫炎云虛徐威儀謙退也然則虛徐者謙虛閒徐之
義故鄭箋云威儀虛徐寬仁者也詩作其邪此
作其徐字雖異音實同故鄭箋云邪讀如徐

猗嗟名今目上為名 **註** 眉眼之間 **疏** 云猗嗟名
宜切 猗於 今者齊風

猗嗟文也云目上為名者釋之也
孫炎云目上平博郭云眉眼之間

式微式微者微乎微者也 **註** 言至微 **疏** 云式微式微者
邶風式微文也

云微乎微也者釋之也郭云言至微鄭箋云式發聲也索詩序云式微黎侯寓于衛其臣勸以歸也然則以君被逐既微又見卑賤是至微也不取式為義故鄭云發聲也

之子者是子也

詁

斥所詠

詁

詩言之子者多矣故此釋之李巡云之子者論五方

之言是子也然則之為語助人言之子者猶云是此子也桃夭傳云之子彼說嫁事為嫁者之子漢廣之子則貞潔者之子東山之子言其妻白華之子斥幽王各隨其事而名之故郭云斥所詠

徒御不驚輦者也

詁

步挽輦車

詁

云徒御不驚者小雅者釋之也此上解徒字也諸徒皆為徒行此獨為輦

是以辨之地官鄉師云大軍旅會同治其輦注云輦人輓行所以載任器也止以為籓營司馬灋輦有一

斧一斤一鑿一裡周輦加二板二築夏后氏二十人

而輦殷十八人而輦周十五人而輦是會同

田獵人輓輦以徒行也故郭云步挽輦車

禮褻肉袒也

註

脫衣而見體

○禮音旦
褻音息

暴虎徒搏也

註

空手執也

疏

鄭風大叔于田云禮褻暴虎故此釋之
毛傳云禮褻肉袒也李巡曰禮褻脫衣

見體曰肉袒孫炎曰袒去褻衣郭云脫衣而見體毛
傳又云暴虎空手以搏之舍人曰無兵空手搏之然

則徒空也故郭

云空手執也

馮河徒涉也

註

無舟楫

○馮音平

疏

小雅小旻云不敢馮河
故此釋之也李巡曰無

舟而渡水曰徒涉郭云無舟楫毛傳云馮陵
也然則空涉水陵波而渡故訓馮為陵也

籛篠口柔也

註

籛篠之疾不能俯口柔之人視人顏色

常亦不伏因以名云

○籛音渠
篠音除

戚施面柔也

註

戚施

之疾不能仰面柔之人常俯似之亦以名云

疏

邶風
新臺

云籛籛不鮮又曰得此戚施故此釋之也毛傳云籛
籛不能俯者戚施不能仰者李巡曰籛籛巧言好辭
以口饒人是謂口柔戚施和顏悅色以誘人是謂面
柔但籛籛戚施木人疾之名故晉語云籛籛不可使
俯戚施不可使仰是也人口柔者必仰面觀人顏色
而為辭似籛籛不俯之人因名曰柔者為籛籛而柔
者必低首下人媚以容色似戚施之人因名面柔者
為戚施故郭云籛籛之疾不能俯口柔之人視人顏
色常亦不伏
因以名云

夸毗體柔也

音 屈已卑身以柔順人也

○夸 大雅板
音誇 篇云無

為夸毗故此釋之也毛傳云夸毗以體柔人也李巡
曰屈已卑身求得於人曰體柔然則夸毗者便辟其
足前却為恭以形體順從于人
故郭云屈已卑身以柔順人也

婆娑舞也

音 舞者之容

音 故此釋之李巡曰婆娑盤辟

舞也郭云舞者之容孫炎曰舞者之容婆婆娑然則娑娑舞者之狀貌也

擗拊心也

謂擗拊也

亦拊擗也

擗

邶風柏舟云擗擗有標擗謂拊心也郭云

謂擗也

矜憐撫掩之也

擗

撫掩猶撫拍謂慰卹也

擗

撫掩猶撫拍謂慰卹

也小雅鴻雁云爰及矜人

絨羔裘之縫也

縫

縫飾羔皮之名

○絨絨

絨

召南羔裘云羔羊之

革素絲五絨故此解之也孫炎云絨之為界絨然則縫合羔羊皮為裘縫卽皮之界絨因名裘縫為絨故

郭云縫飾羔皮之名

殿屎呻也

呻

呻吟之聲

○殿下練切屎音希

呻

大雅板篇云民之

屎呻吟也是用此為說郭云呻吟之聲孫炎云人愁苦呻吟之聲也

幃謂之帳

註

今江東亦謂帳為幃

○幃

通

帳一名幃召音紉南小星云抱

衾與裯鄭箋云幃牀帳也郭云今江東亦謂帳為幃幃與裯音義同

俯張誑也

註

書曰無或俯張為幻幻惑欺誑人者

○俯張留

切

陳風防有鵲巢云誰俯子美毛傳云俯張誑也鄭箋云女衆讒人誰俯張誑欺我所美之人乎

通云書曰無或俯張為幻者周書無逸篇文也引之者以證俯張謂幻惑欺誑人者

誰昔昔也

註

誰發語辭

通

陳風墓門云誰昔然矣毛傳云昔久也郭云誰發語辭與

毛同也

不辰不時也

註

辰亦時也

通

辰亦時也不辰者言不得其時也大雅桑柔云我生

爾雅統

卷之三十九

不辰逢天
憚怒是也

凡曲者謂留

註

毛傳曰留曲梁也凡以薄為魚笱者名

為留

○留力九切

疏

曲薄也凡以薄取魚為留**疏**云毛傳曰留曲梁也者小雅魚麗篇傳文也

云凡以薄為魚笱者名為留者
即釋器云嫫婦之笱謂之留也

鬼之為言歸也

註

尸子曰古者謂死人為歸人

疏

人死為鬼

小雅何人斯云為鬼為蜮周禮曰享大鬼謂之鬼者
鬼猶歸也若歸去然故尸子曰古者謂死人為歸人

釋親第四

疏

素禮記大傳云聖人南面聽天下所
最先者五民不與焉一日治親蒼頡

曰親愛也近也然則親者恩愛狎近不疏遠之
稱也書曰克明俊德以親九族喪服小記曰親
親以三為五以五為九上殺下殺旁殺而親畢
矣以九族之親其名謂非一此篇釋之故曰釋

親

宗族

父為考、母為妣。**註**禮記曰：生日父母，妻死曰考妣。嬪今

世學者從之。案尚書曰：大傷厥考，心事厥考，厥長聰

聽。祖考之葬，訓如喪考妣。公羊傳曰：惠公者何？隱之

考也。仲子者何？桓之母也。蒼頡篇曰：考妣，延年書曰

嬪于虞。詩曰：聿嬪于京。周禮有九嬪之官，明此非死

生之異稱矣。其義猶今謂兄為舅，妹為媢，卽是此例

也。○妣音比父之考為王父，父之妣為王母。**註**加王者尊

之王父之考爲曾祖王父王父之妣爲曾祖王母

曾猶重也會祖王父之考爲高祖王父曾祖王父之

妣爲高祖王母

註

高者言最在上父之世父叔父爲

從祖祖父父之世母叔母爲從祖祖母

註

從祖而別

世統異故父之舅弟先生爲世父後生爲叔父

註

世

有爲嫡者嗣世統故也男子先生爲兄後生爲弟男

子謂女子先生爲姊後生爲妹父之姊妹爲姑父之

從父舅弟爲從祖父父之從祖舅弟爲族父族父之

子相謂爲族舅弟族舅弟之子相謂爲親同姓

註

同

姓之親無服屬兄之子弟之子相謂爲從父舅弟

從父而別子之子爲孫註孫猶後也孫之子爲曾孫

註曾猶重也曾孫之子爲玄孫註玄者言親屬微昧

也玄孫之子爲來孫註言有往來之親來孫之子爲

舅孫註舅後也汲冢竹書曰不審之舅孫舅孫之子

爲仍孫註仍亦重也仍孫之子爲雲孫註言輕遠如

浮雲王父之姊妹爲王姑曾祖王父之姊妹爲曾祖

王姑高祖王父之姊妹爲高祖王姑父之從父姊妹

爲從祖姑父之從祖姊妹爲族祖姑父之從父舅弟

之母爲從祖王母、父之從祖舅弟之母爲族祖王母、
父之兄妻爲世母、父之弟妻爲叔母、父之從父舅弟
之妻爲從祖母、父之從祖舅弟之妻爲族祖母、父之
從祖祖父爲族曾王父、父之從祖祖母爲族曾王母、
父之妾爲庶母、祖王父也、舅兄也、
註今江東人通言

舅 ○從竝才用 **註**此別同宗親族白虎通曰父矩也
反舅音昆 **註**以度教子也又爲考考或也言有

成德廣雅云母牧也言育養子也又爲妣妣嬪也嬪
匹於父廣雅又云兄況也況于父又謂之舅弟悌也
言順於兄子孜也以孝事父常孜孜也孫順也順於
祖男任家事也女如也白虎通曰言如人也徐鍇曰
女子從父之教從夫之命故曰如姑故也言尊如故
也又謂之威徐鍇曰土盛於戌土陰之主也故字從

戊漢律曰婦告威姑是也姊咨也以其先生言可咨
問說文云妹女弟也又謂之媢妾接也鄭注禮記云
聞彼有禮走而往焉以得接見於君子也庶母者父
之妾也此皆同宗之族也白虎通云宗者何謂也宗
有尊也為先祖主也宗人之所尊也禮曰宗人將有
事族人皆待侍所以必有宗何也所以長和睦也
族者何也族者湊也聚也謂恩愛相流湊生相親愛
死相哀痛有會聚之道故謂之族也禮記曰生
曰父母妻死曰考妣嬪者曲禮下篇文也云今世學
者從之者謂從禮記以父母妻為生之稱以考妣嬪
為死之稱彼乃記者一家之說爾學者膠柱遂為生
死定稱非也故郭氏引諸文以證之云尚書曰大傷
厥考心康誥文也云事厥考厥長聰聽祖考之彝訓
者皆酒誥文也云如喪考妣者舜典文也此皆生稱
考妣也云公羊傳曰惠公者何隱之考也仲子者何
桓之母也者隱元年傳文也此卽死稱母也云蒼頡
篇曰考妣延年者此亦生稱考妣也云書曰嬪于虞
者堯典文也云詩曰聿嬪于京大雅大明篇文也云

周禮有九嬪之官者屬天官掌婦學之法者也此皆
 生稱嬪者也云明此非死生之異稱矣者所以破先
 儒之說也云其義猶今謂兄為舅妹為媢即是此例
 也者舉類以曉人也云從祖而別世統異故者解所
 以稱從之理也從祖而別繼世分宗其統各異故曰
 從祖別世有為嫡者嗣世統故也者解所以稱世之
 義也繼世以嫡長先生於父則繼世者也故曰世父
 說文叔作未許慎曰從上小言尊行之小也云同姓
 之親無服屬者禮記大傳云親者屬也鄭註云有親
 者服各以其屬親疏此經言親同姓者謂五世之外
 比諸同姓猶親但無服屬爾云孫猶後也言繼後嗣
 也廣雅云孫順也許慎云從子從系系續也言順續
 也言順續先祖之後也云立者言親屬微昧也又立
 者緦緦之間色色之微昧者也親屬微昧故曰立孫
 云彙後也汲冢竹書曰不密之彙孫彙後也釋言文
 束替傳曰大康元年汲郡民盜發魏安釐王塚得竹
 書漆字科斗文科斗文者周時古文也其字頭粗尾
 細似科斗之蟲故俗名之焉不密后稷之子也彙孫

謂樂
榘也

母黨

母之考為外王父，母之妣為外王母，母之王考為外曾

王父，母之王妣為外曾王母。國異姓故言外母之舅

弟為舅，母之從父舅弟為從舅，母之姊妹為從母，從

母之男子為從母舅弟，其女子子為從母姊妹。國此

節別母之族黨也。黨是鄉之細也。此外族屬母若黨之屬鄉故云。母黨云舅者，孫炎云舅之言舊尊長之稱。詩秦風云我送舅氏，曰至渭陽是也。

妻黨

妻之父爲外舅、妻之母爲外姑。

註

謂我舅者吾謂之甥。

然則亦宜呼呼爲甥。孟子曰：帝館甥于貳室，是也。姑

之子爲甥，舅之子爲甥，妻之舅弟爲甥，姊妹之夫爲

甥

註 四人體敵故更相爲甥，甥猶生也。今人相呼蓋

侈此妻之姊妹同出爲姨。

註

同出謂俱已嫁。詩曰：邢

侯之姨，女子謂姊妹之夫爲私。

註

詩曰：譚公維私，男

子謂姊妹之子爲出。

註

公羊傳曰：蓋舅出女子謂舅

弟之子爲姪。

註

左傳曰：姪其從姑，謂出之子爲離孫。

謂姪之子爲歸孫，女子子之子爲外孫，女子同出謂

先生為妣後生為婦同出謂俱嫁事一夫公羊傳

曰諸侯娶一國二國往勝之以姪婦從婦者何弟也

此即其義也女子謂兄之妻為嫂弟之妻為婦猶

今言新婦是也長婦謂雅婦為婦婦謂長婦為

妣婦今相呼先後或云妯娌 音似婦音弟 此

節別妻之親黨也內則曰聘則為妻白虎通云妻者

齊也與夫齊體自天子下至庶人其義一也孟子

云舜尚見帝帝館甥于貳室亦饗舜也為賓主是天

子而友匹夫也彼注云尚上也舜狂賦賦之時堯友

禮之舜上見堯舍之於貳室貳室副宮也堯亦就饗

姊妹之夫也此四人尊卑體敵更相為甥云甥猶生也者取相親之意也一邢侯之姨譚公維私皆衛風碩人篇文也孫炎曰私無正親之言然則謂吾姨者我謂之私邢侯譚公皆莊姜姊妹之夫五言之曰春秋譚子伐莒則譚是子爵言公者蓋依臣子稱使文耳一公羊傳曰蓋舅出案春秋襄五年夏叔孫豹鄆世子死如晉公羊傳曰外相如不書此何以書為叔孫豹率而與之俱也叔孫豹則曷為率而與之俱蓋舅出也何休云巫者鄆前夫人寢公母妹夫之子也俱莒外孫故曰舅出是也一左傳曰姪其從姑案傳十五年傳云初晉獻公筮嫁伯姬於秦遇歸妹之睽史蘇占之曰不吉其繇曰姪其從姑杜注云震為木離為火火從木生離為震妹於火為姑謂我姪者我謂之姑謂子圉質秦是也一云公羊傳曰案春秋莊十九年秋公子結媵陳人之婦于鄆遂及齊侯宋公盟公羊傳曰媵者何諸侯娶一國則二國往媵之以姪從姪者何兄之子也姊者何弟也諸侯一聘九女諸侯不再娶何休云必以姪從之者欲使一人

有子二人喜也所以妨嫉妬令重繼嗣也因以備尊
尊親親也九者極陽數也不再娶者所以節人情開
賸路一云猶今言新婦是也案儀禮喪服傳云夫之
昆弟何以無服也其夫屬乎父道者妻皆母道也其
夫屬乎子道者妻皆婦道也謂弟之妻婦者是嫂亦
可謂之母乎故名者人治之大者也可無慎乎鄭注
云道猶行也言婦人棄姓無常秩稱嫁於父行則爲
母行嫁於子行則爲婦行謂弟之妻爲婦者卑遠之
故謂之婦嫂者尊嚴之稱是嫂亦可謂之母乎嫂猶
叟也叟老人稱也是爲序男女之別爾若已以母婦
之服服兄弟之妻兄弟之妻以舅子之服服已則是
亂昭穆之序也治猶理也父母兄弟夫婦之理人倫
之大者可不慎乎大傳曰同姓從宗合族屬異姓主
名治際會名著而男女有別是別嫂婦之名也郭云
猶今言新婦者以時驗而知也至今猶然一今相呼
先後或云妯娌者廣雅云婦娣妯娌妯娌先後也人多
疑婦娣之名皆以爲兄妻呼弟妻爲婦弟妻呼兄妻
爲娣因卽惑於斯文不知何以爲說今謂母婦之號

隨夫尊卑娣姒之名從身長幼以其俱來夫族其夫
 班秩既同尊卑無以相加遂從身之少長喪服小功
 章曰娣姒婦報傳曰娣姒婦者弟長也以弟長解娣
 姒言娣是弟姒是長也公羊傳亦云娣者何弟也是
 其以弟解娣自然以長解姒長謂身之年長非夫之
 年長也此云長婦謂雅婦為娣婦姒婦謂長婦為姒
 婦者止言婦之長雅不言夫之大小左傳成公十一
 年穆姜謂聲伯之母為姒昭公八年傳叔向之嫂謂
 叔向之妻為姒二者皆呼夫弟之妻為姒豈計夫之
 長幼乎上云女子同出謂先生為姒後生為娣郭云
 同出謂俱嫁事一夫也事一夫者以已生先後為娣
 姒則知娣姒以已之年非夫之年也故賈逵鄭玄及
 杜預皆云兄弟之妻相謂為姒言兩人相謂
 長者為姒知娣姒之名不計夫之長幼也

婚姻

婦稱夫之父曰舅稱夫之母曰姑姑舅在則曰君舅君

姑沒則曰先舅先姑。國語曰吾聞之先姑謂夫之

庶母為少姑。夫之兄為兄公。今俗呼兄鍾語之轉

耳。夫之弟為叔。夫之姊為女公。夫之女弟為女妹。

今謂之女妹是也。子之妻為婦。長婦為嫡婦。眾婦為

庶婦。女子子之夫為壻。壻之父為姻。婦之父為婚。父

之黨為宗族。母與妻之黨為兄弟。婦之父母壻之父

母相謂為婚姻。兩壻相謂為亞。詩曰瑣瑣姻亞。今

江東人呼同門為僚壻。婦之黨為婚兄弟。壻之黨為

姻兄弟。古者皆謂婚姻為兄弟。嬪婦也。書曰嬪

于虞謂我舅者吾謂之甥也

音的嬪音頻
疏此別夫

之名也說文云婦服也從女持帚灑掃也白虎通云夫婦者何謂也夫者扶也以道扶接婦者服也以禮屈服謂之舅姑者何舅者舊也姑者故也舊故老人稱也夫之父母謂舅姑何尊如父而非父者舅也親如母而非母者姑也鄭注喪服傳云女子子者子女也別於男子也說文云壻女之夫也從士從昏聞一知十爲士昏者有才智之稱故謂女之夫爲壻廣雅云壻謂之倩方言云東齊之間壻謂之倩白虎通云婚姻者何謂昏時行禮故曰婚婦人因夫而成故曰姻**注**國語曰吾聞之先姑者魯語季康子問於公父文伯之母曰主亦有以語肥也對曰吾能老而已何以語子曰雖然肥願有聞於主對曰吾聞諸先姑曰君子能勞後世有繼子夏間之曰善哉商聞之曰古之嫁者不及舅姑謂之不幸夫婦學於舅姑者也是矣瑣瑣姻亞小雅節南山文也劉熙釋名云兩壻相謂爲亞者言每一人取姊一人取妹相亞次也又位

來女氏則姊夫在，前妹夫在，後亦相亞也。古者皆謂
婚姻爲兄弟者，禮記曾子問曰：昏禮既納幣，有吉日
女之父母死，則如之何？孔子曰：昏使人弔，如壻之父
母死，則女之家亦使人弔。鄭注云：必使人弔者，未成
兄弟，又云：父喪稱父母喪，稱母父母不弔，則稱伯父
世母，壻已葬，壻之伯父致命女氏，曰：某之子有父母
之喪，不得嗣爲兄弟，使某致命女氏，許諾而弗敢嫁。
禮也是古者謂婚姻爲兄弟，以夫婦有兄弟之義。或
據壻於妻之父母有總服，故得謂之兄弟也。孀于虞
者，按堯典羣臣共舉舜於帝，帝曰：我其試哉。女于時
觀厥刑于二女，釐降二女于嬀，嬀嬀于虞。孔安國注
云：降下嬀婦也。舜爲匹夫，能以義理下帝女之心於
所居嬀水之汭，使行婦道於虞氏是也。